



SULERIAASSISQAQ

Suliffeqarnernermut Isumaginninnermullu Ataatsimiititaq

Kommunit aqunneqarnerat pillugu inatsimmi nr. 29, 17. november 2017-imeersumi § 28 imm. 2 naapertorlugu, tulliuuttuni aqutsinnermut inatsimmi taaneqartumi, ataatsimiititaliat ataavartut sulinnermini suleriaasissatut maleruagassartik namminneq aalajangersartarpaat:

Ataatsimiititap sulinera.

§ 1. Aqutsinnermut inatsimmi § 29 aamma Kommuneqarfik Sermersuumi Aqutsinnermut ileqqoreqqusami § 5, imm. 5. aamma § 11 naapertorlugit, ukiumoortumik missingersuutini killiliussat iluini akuersissutigineqartut, kommunalbestyrelsillu akuersissutigisai naapertorlugit ataatsimiititap susassaqarfiit suliakkiutigineqartut isumagissavai. Ataatsimiititaq suliani, inatsit naapertorlugu aamma ataatsimiititamut suliakkiutigineqartunut aalajangiisassaaq.

Siulittaasumik siulittaasullu tullianik qinersineq.

§ 2. Ataatsimiititaq nutaamik qirnerneqartoq piffissap suliffiusussap aallartinginnerani inissitsiterfiusumik ataatsimiisssaaq. Ilaasorta q sivilunerpaamik kommunalbestyrelsimut ilaasortaasimasoq ataatsimiinnissamat ataatsimiigiaqqusisuussaaq. Arlallit sivilisoqatigiimmik ilaasortaasimappata, taakkunannga angajulleq ataatsimiigiaqqusisuussaaq.

Imm 2. Inissitsiterfiusumik ataatsimiinnermi ataatsimiititaq siulittaasussaminik amerlanerussuteqarnikkut qinerissaaq, aqutsinnermut inatsimmi § 27, imm 1. naapertorlugu. Qinersineq ataatsimiigiaqqusisumit aqunneqassaaq.

Imm 3. Siulittaasumik qinersisoqareerpat, ataatsimiititap aalajangissavaa siulittaasup tullianik qinersisoqassanersoq. Taamaattoqassappat qinersineq siulittaasumit aqunneqassaaq, taannalu pisinnaangippat, siulittaasumik qinersinnermi aqutsisoq qinersinnermik aqutsissaaq. Qinersineq siulittaasumik qinersinnermi malittarisassat assingi malillugit ingerlanneqassaaq.

Imm 4. Siulittaasup sivilkitsumik ataatsimeeqataanginnerani siulittaasup tullia ataatsimiinnermi aqutsisuussaaq. Siulittaasup sinnisussaaq ataatsimiigiaqquneqarpat, taanna ataatsimiititami ilaasortat inississaaq.

Imm 5. Qinigaaffiup naanginnerani siulittaasooq tunuassappat, imm. 2-mi periuseq nassuiaatigineqartoq naapertorlugu, ataatsimiititaq siulittaasussaminik nutaamik qinersissaaq.

Ataatsimiititap ataatsimiittarnissai.

§ 3. Aqutsinnermut inatsimmi § 28, imm. 1 naapertorlugu ataatsimiititap sulinini ataatsimiinnermi ingerlatissavaa. Ataatsimiititap ataatsimiinneri matoqqasuupput.



Stk 2. Ataatsimiititap ataatsimiittarnissamini piffissaq nammineq aalajangersassavaa.

Imm 3. Pisariaqavissumik ataatsimiinnissanik kinguartitsineq aammalu immikkut ittumik ataatsimiinnerit pisassapput siulittaasup pisariaqartikkaangagu, imaluunniit ikinnerpaamik ilaasortat pingajorarterutaasa tamanna piumasarigaangassuk. Siulittaasup aalajangertassavaa immikkut ittumik ataatsimiinnissat qaqugu sumilu pinissat.

Imm 4. Ilaasortaq ataatsimeeqataasinnaangippat, ilaasortap sinniisussaa ilaasortap ataatsimeeqataasinnaanginnera tamaat ataatsimeeqataasassaaq. Ilaasortaq ataatsimiititap ataatsimiinnerani peqataasinnaangikkuni, sapinngisamik piaartumik imaluunniit kingusinnerpaamik ataatsimiinnissaq ullunik marlunnik sioqqullugu kommuneqarfik@sermersooq.gl-imut, ataatsimiititap allattaa mailikkut CC-kkut ilanngullugu nalunaaruteqartassaaq. Tamatuma kingornagut allaffeqarfimmit sinniisussaq ataatsimiigiaqquneqassaaq.

Imm 5. Ataatsimiititap allattaata ataatsimiinnerit najuuffigissavai, ataatsimiititaq allamik aalajangiisimangippat. Aqutsinermut inatsimmi § 28, imm. 4 naapertorlugu ataatsimiititaq isumaqarpat suliamut tunngatillugu paasissutissiisuteqartoqassasoq, inuit allat, kommunimi atorfeqartut, ataatsimiinnermi najuussinnaapput.

Imm. 6. Aqutsinermut inatsimmi § 28, imm. 4 naapertorlugu ataatsimiititaq kommunimi sulisuunngitsunik suliap suliarinerani aggersaasinnaavoq, suliap paasissutissiiffiginissaanut tamanna kissaatigineqarpat.

Oqaluuserisassat suliallu saqqummiunneqarneri.

§ 4. Aqutsinermut inatsimmi § 27, imm. 1 naapertorlugu ataatsimiititap siulittaasua ataatsimiinnissamut oqaluuserisassaliussaaq, ilaasortanilla ataatsimiinnissamut ataatsimiigiaqqusilluni. Iteqqusumik ataatsimiinnissanut oqaluuserisassat aammalu suliat suliarineqarnissaanut paasissutissat pisariaqartut sapinngisamik ataatsimiititamut ilaasortanut ataatsimiinnissaq kingusinnerpaamik ulluinnarnik sisamanik sioqqullugu nassiunneqassapput.

Oqaluuserisassat ilanngussallu politikerit elektronikkikkut atortorissaarutaatigut politikerinut ataatsimiinnermi paasissutissanik nassiussiviusartumi pissarsiarineqarsinnaassapput.

Imm 2. Ataatsimiititami ilaasortaq kinaluunniit kommunip susassaqarfii pillugit apeqquteqarsinnaatitaavoq, ataatsimiititap susassaqarfiisa iluaniittunik. Apeqquteqaat naatsuliarineqarsimassaaq ersarissuliarineqarsimassallunilu naatsumillu tunngavilersuutitaqartinneqassalluni. Apeqquteqaat allaganngorlugu apeqquteqaatigineqassaaq, Pisortaqatigiit Allatseqarfianut tunniunneqassallunilu.

Pisortaqatigiit Allatseqarfiata apeqquteqaat ingerlatsivimmi pisortamut susassaqartumut ingerlateqqissavaa, taassumalu naliissavaa apeqquteqaat allaffissornikkut akissuteqarfigineqarsinnaanersoq. Apeqquteqaatit allaffissornikkut akissuteqarfigineqarsinnaasut akissuteqarfigineqassapput sapinngisamik ullut 14-it qaangiutsinnagit.



Apeqquteqaat akissuteqarfigineqarsinnaanngippat apeqquteqaat akissuteqarfigisassanngorlugu ataatsimiititamut susassaqartumut tunniunneqassaaq.

Apeqquteqaatit allaffissornikkut ullut 14-it qaangiussimatillugit akissuteqarfigineqarsimasut ataatsimiititanullu susassaqartunut akissuteqarfigisassanngorlugit tunniunneqarsimasut pillugit, apeqquteqaateqartoq ilisimatinneqassaaq.

Apeqquteqaatip assilinera kiisalu akissuteqaatip assilinera nassiussinermi kommunalbestyrelsimut ilaasortanut tamanut nassiunneqassapputaaq.

Apeqqutit akissutillu kommunip nittartagaani saqqummiunneqassapput. Apeqqutit akissutillu paasissutissanik saqqummiuteqqusaanngitsunik imaqarpata, taakku saqqummiunneqaratik kommunalbestyrelsimut ilaasortanut nassiunneqassapput.

Imm. 3: Immikkut ittumik ataatsimiittoqarnissaanut aggersaanermi ataatsimiititami siulittaasup ilaasortat sapinngisamik ataatsimiinnermi suliat suliarineqartussat pillugit ilisimatittassavai.

Imm. 4. Ilaasortaq kinaluunniit ataatsimiinnerup aallartinnerani ullormut oqaluuserisassani oqaaseqarumasinnaavoq.

Imm. 5. Aalajangiussassatut siunnersuummik oqaluuserisassat nassiunneqareernerisa kingorna aatsaat nassiussisoqassagaluarpat, oqaluuserisassanulli ilanngunneqarsinnaasumik, tapiliussatut oqaluuserisassanngortinneqassaaq, taannalu oqaluuserisassat nalinginnaasumik nassiunneqartarnerisulli malittarisassat assingi malillugit ilaasortanut nassiunneqassaaq. Tapiliussatut oqaluuserisassat nassiunneqarnerini tamatigut ileqquusumik oqaluuserisassani immikkoortup imaluunniit immikkoortut pineqartut pillugit tunngavilersuutaa ilanngunneqartassaaq.

Imm. 6. Suliaasaq ileqquusumik oqaluuserisassanut ilanngullugu nassiunneqarsimanngitsaq imaluunniit oqaluuserisassanut tapiliussanut ilanngunneqarsimanngitsaq oqaluuserineqarsinnaavoq, kinguartinneqarsinnaanngitsutut nalilerneqarpata.

Imm. 7. Suliat, ataatsimiititamut saqqummiunneqannginneranni naammattumik erseqqissarneqarsimanersut, siulittaasup nakkutigissavaa.

Aalajangiisinnaatitaaneq, ataatsimiinnermik aqutsineq suliallu saqqummiunneqartarneri.

§ 5. Ilaasortat ikinnerpaamik affaat najuuppata, ataatsimiititaq aalajangiisinnaatitaavoq. Aqutsinermut inatsimmi § 28, imm. 1 naapertorlugu aalajangernerit tamarmik amerlanerussuteqarnikkut pisassapput.

Imm. 2. Imm. 2. Aqutsinermut inatsimmi § 27, imm. 1 naapertorlugu ataatsimiititap ataatsimiinneri siulittaasumit aqunneqassapput. Siulittaasup peqannginnerani ataatsimiinneq siulittaasup tullianit aqunneqassaaq, taamaanngippallu ataatsimiititami ilaasortap kommunalbestyrelsimut siviunerpaamik ilaasortaasimasup ataatsimiinneq aqussavaa, imaluunniit, arlaqartut siviisoqatigiimmik ilaasortaasimappata, taakkunannga angajulluup ataatsimiinneq aqussavaa,



Ataatsimiinnermi aqutsisup isumaqatiginninniarnermi apeqquiti tamaasa aalajangiiffigisassavai. Ilaasortaq kinaluunniit ataatsimiinnermi aqutsisup suleriaatsimi aalajangersakkanik paasinnissinnaaneq tunngavigalugu aalajangiineranik malinnissinnaatitaagallarpoq.

Imm. 3. Suliat siulittaasup tulleriarinissamik aalajangiinera naapertorlugu suliarineqassapput, taamaasillunilu oqaluuserisassani tulleriarisimaneq sanioqqutsissinnaallugu. Kisianni, ataatsimiititami ilaasortap ataatsip kissaatigippagu, suliat qanoq tulleriarneqarlutik suliarineqassanersut, ataatsimiititap aalajangissavaa.

Imm. 4. Siulittaasooq, aqutsinermut inatsimmi § 27, imm 2 naapertorlugu, ataatsimiititaq sinnerlugu sulianik kinguartinneqarsinnaanngitsunik, imaluunniit nalornissutaasinnaanngitsuni, aalajangiisinnaatitaavoq. Suliassani inatsisiliornikkut ataatsimiititamut suliassanngortitaasimanngitsuni kinguartinneqarsinnaanngitsunili ataatsimiititami siulittaasup aalajangiitinnani borgmesteri ilisimatittassavaa, tamannali atuutinngilaq suliassani ataatsimiititamut suliassanngortinneqarsimasuni.

Imm. 5. Immikkoortut taasissutigineqartussat siulittaasup oqaasertalersussavai.

Imm 6. Ilaasortaq kinaluunniit, aqutsinermut inatsimmi § 27, imm 3 naapertorlugu, siulittaasup ataatsimiititami sulinera pillugu sunilluunniit apeqquaqateqarsinnaatitaavoq, aammalu ataatsimiititap paasissutissanik piunasaqaataanik tamanik siulittaasooq paasissutissiissaaq. Siulittaasooq sutigut tamatigut ataatsimiititap aalajangersimasaanik naapertuisussaataavoq.

Imm. 7. Ataatsimiititami ilaasortaq kinaluunniit aqutsinermut inatsimmi § 30 naapertorlugu, ataatsimiinnermi aalajangerneqartumik unitsitsinnaatitaavoq, ataatsimiinnermi, aalajangernissaq kommunalbestyrelsimiit aalajangiiffigisassanngortillugu aalajangiinermut imaqaarniliamut nalunaarutigalugu.

Imm. 8. Aqutsinermut inatsimmi § 39, imm. 2 naapertorlugu ilaasortap ataatsimiititami siulittaasooq ilisimatittassavaa pissutissaqarpat suliani aalajangersimasuni suleqataasinnaanermi apeqquutinngortitsinnaasunik. Aqutsinermut inatsimmi § 38 naapertorlugu ataatsimiititami aalajangerneqartassaaq ilaasortaq imatut soqutigisaqarnersoq, ilaasortaq ataatsimiititap suliamik suliarinninnerani peqataasinnaannginnersoq imaluunniit peqataasinnaanersooq. Taama ittoqartillugu pineqartoq suliaq pillugu isumaqatigiinniarnermi taasinermilu ataatsimiiffimmiit anissaaq taamaattoqli suliaq pineqartup eqqartorneqarnerani ilaasortaq anissanersooq pillugu ataatsimiititap isumaqatigiinniarnerni taasineranilu peqataasinnaalluni.

Imm. 9. Aqutsinermut inatsimmi § 39, imm. 3 naapertorlugu ilaasortap suliamut aalajangersimasumut sammitillugu suleqataasinnaanera apeqquuserneqarsinnaasorineqarpat kommunalbestyrelsimut gruppimi qinigaqaqatigisimasaani ilaasortat, aammalu ilaasortaq kisimiilluni qinigaasimappat, suleqataasinnaanera, apeqquuserneqartoq nammineq sinniisussamik ataatsimiititaliap sulineranut aggersaasoqarnissaanik piunasaqarsinnaavoq.

Imm. 10. Ataatsimiititaliaq ilaasortap suleqataasinnaannginneranik aalajangiippat, sinniisussamik aggersaasoqarsimanngippat, taava kommunalbestyrelsimi ilaasortat pineqartup qinigaqaqatigisimasai, aamma pineqartoq kisimiilluni qinigaasimappat, ilaasortap nammineq, piunasaqarsinnaapput suliaq tulliani ataatsimiinnissamut kinguartinneqassasooq. Kinguartsisinnaanerli periarfissaassanngilaq kinguartsinerup kingunerissappagu piffissaliussat kommunip pisussaaffigisai eqqortinneqassanngippata.



Imm. 11. Aqutsinermut inatsimmi § 28, imm. 1 naapertorlugu ilaasortat sinniisussallu ataatsimiititami taasinerni aatsaat peqataasinnaapput, najuullutik ataatsimeeqataagunik imaluunniit tele attaveqaatit ikiorsiullugit ataatsimeeqataagunik.

Imm. 12. Oqaluuserisassat, oqaluuserisassatut siunnersuutit atortussallu kommunimi allaffeqarfimmit suliarineqarsimasut kalaallisut qallunaatullu suliarineqarsimassapput, ilanngussat allatullu paasisutissat kommunip avataanit suliarineqarsimasut taakku oqaasii atorlugit suliarineqarsimanerisut saqqummiunneqassapput.

Aalajangiinnermut imaqarniliaq.

§ 6. Siulittaasup akisussaaffigivaa, ataatsimiititami aalajangerit aalajangiinnermut imaqarniliamut allanneqarnissaat, aqutsinermut inatsimmi § 28, imm 3 naapertorlugu. Imaqarniliaq ataatsimiinnerup naanerani ataatsimiititami ilaasortanit ataatsimeeqataasunit akuerineqarlunilu atsiorneqassaaq. Ilaasortaq ataatsimiinnermi peqataasimangikkaangat, aalajangiinnermut imaqarniliamut allanneqartassaaq. Ilaasortaq kinaluunniit allatut isumaqaruni imaqarniliamut allattaavimmut allaanerusumik isummaminik allaqquisinnaatitaavoq. Ilaasortani taakkunani kinaluunniit piumasaqarsinnaavoq isummani allaasoq naatsumik aalajangiinnermut imaqarniliami allanneqaqqullugu, sulianilu pisortatut oqartussaasunut allanut ingerlateqqitassani piumasarisinnaallugu taassuma aamma imaqarniliap imaanik ilisimatinneqarnissaat. Aqutsinermut inatsit § 16, imm. 1 aamma § 28, imm. 3 naapertorlugit ilaasortap taassuma suliap nassiunneqarneranut atatillugu isummernerminut tunngaviliussani ilanngussinnaavaa.

Imm. 2. Ilaasortaq taasisimanini allamilluunniit peqquteqarnini innersuussutigalugu, aalajangerinnermut imaqarniliamut atsiormanngissinnaavoq.

Imm. 3. Siulittaasup qulakkiissavaa imaqarniliat toqqorneqarnissaat, aammalu ataatsimiinnerup naammassinerata kinguninguatigut ilaasortat sinnerisa imaqarniliap assinganik nassinneqarnissaat qulakkiissallugu.

Imm. 4. Aqutsinermut inatsimmi § 28, imm. 3 naapertorlugu aalajangiinnermut imaqarniliat atsioriikkat Naalakkersuisunut nassiunneqarnissaat siulersuisup qulakkiissavaa.

Nipangiussisussaataaneq.

§ 7. Ataatsimiititami ilaasortat nipangiussisussaataapput, tamanna pillugu inatsimmi malittarisassat naapertorlugit.

Imm. 2. Ataatsimiititap ataatsimiinneri matoqqasuupput, eqqartorneqartullu allamut ingerlateqqitassaannngitsutut isigineqarput. Ataatsimiititap aalajangerit tamanut nalunaarutigineqarsinnaapput, kisianni paasisutissat nipangiussisussaataaneermut tunngasut pinnagit.

Imm. 3. Ilaasortaq kinaluunniit paasisutissiisinnaatitaavoq, nammineq qanoq oqaaseqarsimanerminik taasisimanerminillu, nipangiussisussaataaneermut tunngasut kisiisa pinnagit.



Ataatsimiititap aalajangerinerik suliaqarneq piginnaatitaaffinnillu agquaassineq

§ 8. Siulittaasup qulakkiissavaa ataatsimiititap aalajangerinerisa naammassineqarnissaat. Siulittaasup nakkutigissavaa, suliata arlaannaalluunniit pisariaqanngitsumik kinguarsarneqartariaqanngitsut.
Imm. 2. Suliata, ataatsimiititamut saqqummiunneqannginneranni naammattumik erseqqissarneqarsimanersut, siulittaasup nakkutigissavaa.

§ 9. Ingerlatsiviup siulittaasullu aalajangiisinnatitaanerata ataatsimiititami aalajangiisoqarneratigut agguataarneqassapput, aammalu inatsimmi atuuttumi malittarisassat malinneqassapput.

Imm. 2. Ataatsimiititami isumaqatigiinnikkut suliata aalajangersimasut imaluunniit suuneri apeqqutaatillugit siulittaasumut suliakkiutigineqarsinnaapput. Ataatsimiititaq ataatsimiititami ilaasortanut allanut/kommunalbestyrelsimut siulittaasup saniatigut piginnaatitsisinnatitaanngilaq.

Imm. 3. Ataatsimiititap amerlanerussuteqalaarnikkut suliassanik aalajangersimasunik suunerilu apeqqutaatillugit ingerlatsivimmu suliakkiissutigisinnavaa.

Imm. 4. Ataatsimiititami siulittaasumut ingerlatsivimmullu piginnaatitsilluni aalajangerinerit allattorsimaffimmut immikkut nalunaarsorneqartassapput. Allattorsimaffimmi erseqqissumik allassimassaaq, suliassat suut siulittaasumut aammalu suliassat suut ingerlatsivimmu piginnaatitsissutigineqarsimanersut. Aamma allassimassaaq ulloq suna aalajangerneqarsimanersooq, taamaasilluni suliataq ajornanngitsumik nassaarineqarsinnaaniassamat.

Suleriaatsimi allannguutit.

§ 10. Suleriaatsimi allannguuteqartitsinerit tapiliussalluunniit ataatsimiititami ileqquummik marloriarluni ataatsimiinnersi oqaluuserineqassapput.

Imm. 2. Ataatsimiititap suleriaasiani allannguutit borgmesterimut nalunaarutigineqassapput, suleriaatsip iluarsaatap nassiunneratigut.

Atuutilersinnera.

§ 11. Suleriaasissaaq manna 31. juli 2018-imi atuutilissaaq.

Isumaginninnermut Suliffeqarnermullu Ataatsimiititap ulloq 31. juli 2018-imi ataatsimiinnerani akuersissutigineqarpoq.


Charlotte Ludvigsen
Siulittaasoq